

Топ : «Ақ көгершін» , «Бәйшешек ересек тобы
Білім беру саласы: Шығармашылық
Бөлім : Сурет салу

№	Тақырып	Міндеті:
1	«Балабақша»	Балаларды екі параллельді сызықтың ұштарын көлденең қосып, төртбұрышты пішінді, үшбұрышты шатырды салып, балабақшаның қарапайым ғимаратының бейнесіне біріктіруге үйрету; қарындашпен сурет салу техникасын жетілдіру; геометриялық пішіндер туралы түсініктерін бекіту; балабақша туралы ұғымдарын тиянақтау; қолдың ұсақ моторикасын, зейінін, көзбен мөлшерлеу қабілетін дамыту; достыққа, ұйымшылдыққа тәрбиелеу..Балаларды қылқаламмен және бояулармен таныстыру.
2	«Бақшадағы жемістер»	Балаларға қылқалам арқылы алма мен алмұртты бейнелеуді үйрету, дөңгелек және сопақша пішіндерді қылқаламның ұшымен салып, ішін баланың өзі қалаған қызыл, жасыл немесе сары бояулармен, сұлбасының шетіне шықпай салу тәсілдерін игерту; жаңа аралас түстердің атауларымен таныстыру; күз сыйлары, жемістерді жинаудағы адамның еңбегі туралы білімдерін пысықтау; қолдың ұсақ моторикасын,зейінін, ақыл-ойын, түстерді ажырату қабілеттерін дамыту; тиянақтылыққа, шыдамдылыққа тәрбиелеу.
3	«Күзгі саябақтағы жапырақтар»	Балаларды жапырақ пішінін қою бояумен бояу және қағаз бетіне бедерін басу техникасымен таныстыру; жапырақтың бетін күздің ашық бояуларына араластырып бояп, қағаз бетіне басып, жапырақтың нақтылы ізін қалдыруға дағдыландыру; ұжымдық жұмысты бейнелеп шығаруды үйрету; зейінін, түстерді таңдаудағы эстетикалық талғамды дамыту; топтағы қарым-қатынастарды нығайту; тазалыққа, тиянақтылыққа тәрбиелеу.
4	«Дәмді қарбыз»	Балаларды суреттің бояудың бетіне шығуы деп аталатын сурет салу әдісімен таныстыру; бормен көлемдері әртүрлі дөңгелектерді салып, ішін тіке жатқан ирек сызықтармен безендіріп, қылқаламмен дөңгелек сұлбасының бойымен, үстінен жасыл бояумен бояу техникасына үйрету. Бақшада өсірілетін өнімдердің, қарбыз туралы түсініктерін тиянақтау; қолдың ұсақ моторикасы, пішінді және көлемді ажырату қабілетін дамыту; экологиялық мәдениетке баулу, еңбекқорлыққа тәрбиелеу.
5	«Алтын бидай алқабы»	Балаларға бидай алқабы көрінісін салуды үйрету; бидай масақтарын бор және саусақтарды басу арқылы салу техникасын игерту; адамның бидай өсірудегі еңбегі туралы білімдерін тиянақтау; қолдың ұсақ моторикасын, қағаз бетін бағдарлау, зейінін, ақыл-ойын дамыту; адам еңбегін құрметтеуге, еңбекқорлыққа тәрбиелеу.

6	«Күзгі ағаш»	Күз бояулары туралы ұғымды бекіту. Ағаштың басын қылқаламның түгін тұтастай тигізу арқылы салуды үйрету, тік және көлбеу сызықтарды үйлестіре отырып, ағаштың бұтақтарын салуды бекіту. Саусақ ұсақ бұлшық еттерін дамыту.
7	«Аулаға қар жауды»	Балаларға аулаға жауған қар туралы сюжетті бор мен қылқалам арқылы салды үйрету; суреттегі ағаш пен үйдің сұлбасын салып, суреттегі қарды әр жерге қылқаламның ұшымен жақпалау техникасын пысықтау; қар туралы білімдерін тиянақтау; қағаз бетін бағдарлау, қабылдау және елестету қабілеттерін дамыту, әсемдікті түйсіну сезімін қалыптастыру; бақылағыштыққа тәрбиелеу. Ағаштың басын қылқаламның түгін тұтастай тигізу арқылы салуды үйрету.
8	«Қаламыздағы биік үйлер»	Қаладағы үйлердің ерекшеліктерін (көпқабатты) ажырата білуге, қала көрінісі туралы түсінігін кеңейту, үйлердің пішіні (тік төрбұрыш, үшбұрыш, шаршы) тік және көлденең сызықтарды дұрыс қолдану. Қарындаштармен заттық сурет салудың техникасын жетілдіру.
9	«Жаңа жылдық шырша»	Мерекелік көңіл күй сыйлау, жаңа жыл мерекесі туралы түсінік беру. Пішіні үшбұрыш, бұтақтарын дұрыс салуға үйрету. Әртүрлі бағыттағы тура сызықтар мен олардың қиылысуын жүргізу арқылы шырша бұтағын салуды, оны мерекелік безендіруді үйрету
10	Шыршаның түрлі түсті ойыншықтары	Балаларды ұжымдық сурет салу амалдарына бейімдеу; фломастермен шырша бұталарындағы қылқандарды, әртүрлі пішінді, түрлі-түсті ойыншықтарды салу техникасын дағдыландыру; балалардың ой-қиял, түйсік, эмоциялар әлемін дамыту, достық қарым-қатынасқа, ұйымшылдыққа тәрбиелеу. Сопакша пішіндер сала білуді жетілдіру, оларды ұсақ бөлшектермен толықтыруды үйрету
11	«Терезеден аппақ қар ұлпалары»	Балаларға шаршы пішінді «терезе» кескініне ақша қардың суретін мақта таяқшалары арқылы салуды үйрету; терезе сызбасының үстінен бояуды жүргізіп, төрт шаршының орталарына дөңгелектерді салып, ішін әртүрлі нүктелер және сызықтармен толтыруға дағдыландыру; ақша қар құрылымында болатын өрнектердің ерекшеліктері жөнінде түсініктер беру. Мақта таяқшасын ақ бояуға малып, дөңгелек пішінін салу техникасын жетілдіру; дөңгелек пішінін, әртүрлі қиғаш сызықтарды, нүктелерді белгілі бір ретпен салып, ақша қардың толық бейнесін салып шығуға ынталандыру.
12	«Сары шымшық»	Балаларға қылқаламмен сары шымшық бейнесін салуды үйрету; құсты салу барысында басы, денесі, қанаты, құйрығы сияқты дене бөлшектерін үйлесімділікте салу техникасына машықтау; акварельді бояуды қылқаламға қою реңкке келтіріп, қағаз бетіне көп мөлшерде салуға талпындыру; көзбен мөлшерлеу, зейінін, құстарға қамқорлық сезімдерін дамыту; тиянақтылыққа тәрбиелеу.
13	«Құмырадағы гүлдер» Анама арналған гүл шоғы	Балаларды құмырадағы гүлдер композициясын салу техникасына үйрету; гүлдердің бастарын қылқалам арқылы жақпалап салу, вазаны жарты шеңбер тәрізді етіп салу, қағаз бетіндегі бейнелердің үйлесімдігін сақтауға талпындыру; көзбен мөлшерлеу қабілетін, эмоциялар мен түйсіктер әлемін дамыту; байқағыштыққа, анаға сүйіспеншілігін дамыту, қамқорлыққа тәрбиелеу. Ерекшеліктерін ескере отырып, дәстүрден тыс тәсілдермен алғашқы көктем гүлдерін салуға үйрету
14	«Кебежені безендіреміз»	Балаларға кебеженің сұлбасын қазақтың оюларының элементтерімен безендіруді үйрету; тіктөртбұрыштың ортасына «тышқан ізі», бұрыштарына «балтаны», шеттеріне «ботагөзді» салып орналастыру техникасын қалыптастыру; қағаз бетін бағдарлау, пішіндерді қабылдау және ажырату біліктерін жетілдіру; қазақтың қолөнеріне деген қызығушылығын арттыру, еңбексүйгіштікке

		тәрбиелеу.Қазақ халқының сәндік-қолданбалы өнері туралы білімдерін кеңейту
15	«Гүлденген өрік бұтағы»	Балаларға көктемде гүлденген бұтаның бейнесін салу амалына үйрету; суреттің негізі ретінде бормен жапырақтарды, содан соң бояуға малынған саусақты басып, гүлдерді салу техникасын жетілдіру; жеміс ағаштарының көктемде гүлдену құбылысы туралы білімдерін тиянақтау; қағаз бетін бағдарлау, зейінді, ой-қиялды дамыту; эстетикалық талғамға, бақылағыштыққа, тазалыққа тәрбиелеу.
16	«Ғарыштың түрлі планеталары»	Балаларға шардың бетіне бояу жағып, қағаз бетіне басып алу сияқты дәстүрлі емес сурет салу техникасын таныстыру; «градиент» ұғымын қалыптастыру; топтас достарымен біріге отырып, ғарыш ғаламын сюжеттік суретте көрсету білігін жетілдіру; балалардың ой-қиялын, түйсіктері мен эмоциялар әлемін дамыту, достық қарым-қатынастарды дамыту; тазалыққа, ұқыптылыққа, ұйымшылдыққа тәрбиелеу.
17	«Әдемі шәйнек»	Балаларға шәйнектің сұлбасын татар халқының «гүл» оюларымен қылқаламның ұшы арқылы безендіру техникасын таныстыру; көктем мезгіліндегі гүлдердің түрлері туралы ұғымдар жиынтығын пысықтау; зейінін, қолдың ұсақ моторикасын, ой-қиялын дамыту; достыққа, әдептілікке тәрбиелеу.
18	«Аквариумдағы балықтар»	Балаларға үлкен және кішкентай балықтардың бейнелерін, дөңгелек пен сопақша, үшбұрыш пішінді трафареттерді бастырып салу техникасына үйрету; балықтардың бейнелерін қағаз бетіне өзара үйлесімді орналастыруға машықтау; балықтардың денелерін жүзбеқанаттар мен құйрығы, көзі, қабыршақтарымен толықтырып, безендіру техникасына бейімдеу; аквариум балықтарының тіршілік ерекшеліктері мен күту әдебін пысықтау; зейінділік, қағаз бетін бағдарлау, дүниетанымын дамыту; бақылағыштыққа, тиянақтылыққа тәрбиелеу. Балаларға боялған сабын көпіршіктерінің көмегімен сурет салу техникасын (дәстүрден тыс тәсіл) таныстыру; адам үшін судың маңызы туралы білімдерін бекіту; шығармашылық қабілеттерін, эстетикалық талғамдарын, түстерді үйлестіру біліктілігін, қиялдарын, қолдың ұсақ моторикасын дамыту; өз бетінше жұмыс істеуге, тиянақтылыққа тәрбиелеу.
19	«Қала аспанындағы кемпірқосақ»	Балаларға әртүрлі құралдардың көмегімен табиғи құбылыстар жайлы түсініктерін шығармашылық түрде жеткізуді, негізгі түстерді тануды, саусақпен сурет салуды үйретуді жалғастыру; балалардың түстерді қабылдау, түсті таңдау біліктілігін дамыту; зейіндерін тұрақтандыру, ойлау, еске сақтау қабілеттерін дамыту; тиянақтылыққа, табиғатты аялауға, достық қарым-қатынасқа тәрбиелеу. Сурет салудың техникалық дағдыларын жетілдіру

